



Fihi ya 'Ibada yenye picha zilizochorwa

Hukumu za Kiislamu zilizowepesishwa


Tohara

Swala

Funga

Zakat

Hijja



Dr . Abdullah Bahmmam

Tarjama

Dr Abdalla Khatib

Marejeo

Sheikh Salim Barhayan

Ustadh Said Abdu

Ustadh Ahmed Yasin Mustafa

Sheikh Said Bawazir

Kuzuru Madina: fadhila
zake na utukufu wake

Kuzuru Madina: fadhila zake na utukufu wake

Yaliyomo

Majina ya mji wa Mtume wa Madina

Utukufu wa mji wa Mtume wa Madina

Miongoni mwa sifa tukufu za mji wa Mtume wa Madina

Hukumu za kuzuru msikiti wa Mtume ﷺ

Hukumu za ziara na adabu zake

Makosa na matanabahisho ya ziara

Majina ya mji wa Mtume wa Madina

1. Madina: Amesema Mwenyezi Mungu Aliyetukuka {Wanasema: lau tutarudi Madina watawatoa walio watukufu zaidi wale walio wanyonge zaidi} [63: 8].
2. Twaba: Amepokewa Jabir bin Samurah ﷺ akisema: « Nilimsikia Mtume wa Mwenyezi Mungu ﷺ akisema: (Hakika Mwenyezi Mungu Aliyetukuka Ameipa Madina jina la Twaba) ⁽¹⁾.
3. Twayiba: Amepokewa Zaid bin Tahabit ﷺ akisema kumpokea Mtume ﷺ: (Hiyo ni Twayiba, inaondoa dhambi kama ambapo moto unaondoa uchafu wa fedha)⁽²⁾.

(1) Imepokewa na Muslim.

(2) Imepokewa na Bukhari na Muslim.

Fadhila za Madina ya Mtume

1. Sayd bin Abii Waqqaasw ﷺ amepokewa akisema kwamba Mtume wa Mwenyezi Mungu ﷺ amesema: (Madina ni bora kwao lau walikuwa wanajua. Haiachi mtu yoyote kwa kutoipenda isipokuwa Mwenyezi Mungu humweka mtu bora kuliko yeye awe ni badala yake. Na yoyote atakayevumilia shida zake⁽³⁾ na usumbufu wake, nitakuwa ni muombezi wake au shahidi wake Siku ya Kiyama)⁽⁴⁾.

(3) La'waa': Shida na dhiki za maisha.


(4) Imepokewa na Muslim.

2. Abu Huraira رضي الله عنه amepokewa akisema kwamba Mtume ﷺ amesema: (Nimeamrisha kwenye kitongoji⁽¹⁾ kinachokula vitongoji⁽²⁾, wanakiita Yathrib⁽³⁾, nayo ni Madina, inawaondoa watu⁽⁴⁾, kama vile kiriba⁽⁵⁾ kinvyoondoa uchafu wa chuma⁽⁶⁾) ⁽⁷⁾.

Miongoni mwa mambo yanayo husu Mji wa Madina

1. Ni mji mtakatifu wa amani kuanzia eneo la 'Ayr mpaka Thaur. nayo ni majabali mawili. miti yake haikatwi na wanyama wake hawawindwi.

Mtume wa Mwenyezi Mungu ﷺ amesema: (Madina ni takatifu, kuanzia 'Ayr mpaka Thaur. Basi yoyote mwenye kuzusha uzushi humo au akampa himaya mzushi, itamshukia yeye laana ya Mwenyezi Mungu, Malaika na watu wote) ⁽⁸⁾.



Jabali la Thaur

- (1) Nimeamrisha kwa kitongoji: nimeamrisha nigurie hapo, niteremkie hapo na niishi hapo.
(2) Kinachokula vitongoji: watu wake wata washinda watu wa miji mingine na kitakuwa ni kituo cha majeshi ya Kiislamu.
(3) Wanakiita Yathrib: Watu wake walikiita Yathrib wakati wa jahilia, na sasa kinafaa kiitwe Madina.
(4) Kinawaondoa watu: Kinawatoa wabaya miongoni mwao.
(5) Kiriba: ni kile kinachovuviwa na mfuzi wa chuma ndani ya moto.
(6) Uchafu wa chuma: uchafu wake na takataka zake.
(7) Imepokewa na Bukhaeri na Muslim.
(8) Imepokewa na Bukhaeri na Muslim.

Na Mtume ﷺ Aliujalia mji wa Madina kuwa ni haram kama alivyo ujalia nabii Ibrahim Mji wa Makka, Amepokea Abdullah bin Zeyd kutoka kwa Mtume ﷺ (Hakika Ibrahim عليه السلام Alijalia Makka kuwa ni haram na akauwombea, na mimi nimeujalia mji wa madina kuwa ni haram kama alivyo ufanya Ibrahim Makka, na nimeombea katika mudi wake na pishi yake Mfano alivyo ombea nabii Ibrahim mji wa Makka) ⁽⁹⁾

Tafauti ilioko baina haramu ya Makka na haramu ya Madini, nikuwa haram ya Makka imekuja nasi na kwa ijma ya wanavyooni ama haram ya madina kuna khilafu baina ya wanachuoni lakini kauli sahahi ni kuwa ni haram

2. Kuswali humo thawabu zake zinaongezwa mara nyingi zaidi

Amesema Mtume ﷺ: (Swala moja kwenye msikiti wangu huu ni bora kuliko Swala elfu moja kwenye msikiti mwingine usiokuwa huo, isipokuwa Msikiti wa Haram) ⁽¹⁰⁾.



Jabali la 'Ayr

- (9) Imepokewa na Bukhaeri.
(10) Imepokewa na Bukhaeri.

Mlango wa Hijja

3. Ndani yake kuna bustani miongoni mwa mabustani ya Pepo, na imesunniwa kuswali hapo:

Abu Huraira ؓ alimpokea Nabii ﷺ akisema: (Baina ya nyumba yangu na mimbari yangu ni bustani miongoni mwa mabustani ya Peponi, na mimbari yangu iko juu ya Birika (hawdh) yangu) ⁽¹⁾.



Raudha tukufu

(1) Imepokewa na Bukhaeri na Muslim.

4. Masihi Dajali atakaekuja zama za mwisho hataingia humo, na janga la maradhi mabaya ya kuenea na kuua: ⁽¹⁾

Anas bin Malik amepokewa akisema kwamba Mtume wa Mwenyezi Mungu amesema: (Dajali atakuja Madina awakute Malaika wanau-linda. Basi ugonjwa hatari wa kuambukiuza hau-taingia humo wala Dajali hataingia, Mwenyezi Mungu Akitaka) ⁽²⁾.

5. Mtume ﷺ aliuombea mji wa Madina baraka:

Anas ؓ alisema kwamba Nabii ﷺ alisema: (Ewe Mola! Ijaalie Madina baraka mara mbili zaidi ya ulivyoijaalia Makka) ⁽³⁾.



(1) Twaawun: maradhi mabaya.

(2) Imepokewa na Tirmidhi.

(3) Imepokewa na Bukhaeri na Muslim.

6. kuwinda Makka mtu hupata madhambi na atalipa na kuwinda Madina mtu hupata madhambi lakini halazimiki na kitu chochote na madhambi ya kuwinda makka ni makubwa zaidi kuliko kuwinda Madina ⁽¹⁾

Hukumu ya kuzuru Msikiti wa Mtume ﷺ

Kuuzuru Msikiti wa Mtume ﷺ si miongoni mwa masharti ya Hija wala nguzo zake wala wajibu zake. Hilo ni sunna, na inafaa ifanywe wakati wowote.

Na ni wajibu liwe lengo la ziara ni kuswali kwenye huo Msikiti na sio kaburi. Abu Huraira ؓ amepokea akisema kumpokea Mtume ﷺ kuwa alisema: (Hakufungwi safari isipokuwa kwenda kwenye misikiti mitatu: Msikiti wa Haram, Msikiti wa Mtume ﷺ na Msikiti wa Aqswa) ⁽²⁾. Amesema Shekhe wa Uislamu Ibnu Taimiyya: “Iwapo lengo lake la safari ni kuzuru kaburi ya Mtume ﷺ na sio kuswali kwenye Msikiti wake.... Basi msimamo wa maimamu na wengi wa wanavyuoni ni kuwa hili halikuwekwa na Sheria wala halikuamrisha... Na hadithi kuhusu kuzuru kaburi ya Mtume ﷺ zote ni dhaifu kwa itifaki ya wajuzi wa Hadithi, bali ni hadithi zilizobuniwa. Hakuna yoyote miongoni mwa wakusanyaji wa vitabu vya sunna za Mtume ﷺ aliyepokea hadithi hizo, na hakuna yoyote aliyesimamisha hoja kutegemea hadithi yoyote katika hizo” ⁽³⁾.

Hukumu za ziara na adabu zake

1. Mwenye kuzuru afikapo msikitini ni sunna kwake atangulize mguu wake wa kulia na aseme: (Ewe Mola! Nifungulie milango ya rehema zako) ⁽⁴⁾.
2. Ataswali rakaa mbili za kuuamkia msikiti, na ikiwa ataziswali kwenye sehemu ya Raudha (Bustani ya Pepo) basi ni bora zaidi.
3. Ni sunna kuizuru kaburi ya Mtume ﷺ na marafiki zake wawili: Abu Bakr kisha ‘Umar.
4. Ni sunna kwa mwenye kuuzuru Msikiti wa Mtume ﷺ aswali Swala Tano ndani ya Msikiti wa Mtume, na amtaje Mwenyezi Mungu na kumuomba kwa wingi na kuswali sunna ya ziada hasa-hasaa kwenye sehemu ya Raudha tukufu.
5. Ni sunna azuru msikiti wa *Qubaa* kwa ajili ya kuswali humo, ingawa kuuzuru siku ya Jumamosi ni bora zaidi, kwa hadithi iliyopokewa na Ibnu ‘Umar ؓ kuwa alisema: (Alikuwa Mtume wa Mwenyezi Mungu ﷺ akienda kwenye msikiti wa *Qubaa*’ akiwa anapanda na akiwa anatembea, na akiswali hapo rakaa mbili). Na katika tamshi lingine: (Alikuwa akiujia msikiti wa *Qubaa*, yaani: siku ya Jumamosi) ⁽⁵⁾.
6. Ni sunna kuzuru makaburi ya *Baqii’* ⁽⁶⁾, makaburi ya mashahidi na kaburi ya Hamza, kwa kuwa Nabii ﷺ alikuwa akiwazuru na kuwaombea na kusema: (Amani iwashukie nyinyi watu wa nyumba za Waumini na Waislamu. Na sisi, Mwenyezi Mungu Akitaka, ni wenye kukutana na nyinyi. Tunajiombea Mwenyezi Mungu uzima na tunawaombea na nyinyi) ⁽⁷⁾.

(1) Tazama Almunnti’ juzuu ya 7-ukurasa 257

(2) Imepokewa na Muslim.

(3) Majmuu’ al- Fataawaa, juzu. ii, uk. 26

(4) Imepokewa na Muslim.

(5) Imepokewa na Muslim.

(6) Baqii’: ni mahali ambapo Mswahaba wengi walizikwa hapo.

(7) Imepokewa na Muslim.

Mlango wa Hijja



Makosa na matanabahisho katika kuzuru

- 1- Kusafiri na kujisumbua kwa safari kwa lengo la kuzuru kaburi na sehemu za turathi zilizoko Madina. Lililowekwa na Sheria ni kufunga safari kuuzuru Msikiti wa Mtume ﷺ, na ziara ya kaburi yake inaingia ndani.
- 2- Kuelekea upande wa kaburi Wakati wa kuomba dua
- 3- Kumuomba Mtume ﷺ na kutaka haja kwake, badala ya Mwenyezi Mungu Aliyeshinda na Aliyetukuka, ni miongoni mwa ushirikina mkubwa kabisa.
- 4- Kujipukusa na kuta za Chumba alichozikwa Mtume ndani yake kwa lengo la kupata baraka ni miongoni mwa mambo ya uzushi yaliyoharamishwa na ni miongoni mwa njia zinazopelekea kwenye ushirikina.
- 5- Kuinua sauti kwenye kaburi ya Mtume ﷺ na kisimamo kirefu, na kukariri salamu kwa mbali kila anapoingia na kuweka mkono wa kulia juu ya wa kushoto juu ya kifua wakati wa kutowa salamu kama vile anavyo fanya akiwa kwenye Swala.

